



**Ecclesiasticae Historiae, Et Dicta, Inprimis Memorabilia,  
Christi, Apostolorum, Martyrum, Confessorum, Doctorum,  
& hostium veteris Ecclesie: singulari iudicio, & pio studio,  
ex Eusebio Cæsariensi ...**

**Eusebius <Caesariensis>**

**Haer. Chr. Egen., 1571**

**VD16 E 4284**

10. Dictvm Tertvlliani Et Eusebij, de Nerone Tyranno Cæsare, primo  
Christianorum persecutore & hoste. lib. 2. Ecclesia. hist. cap. 24.

---

[urn:nbn:de:hbz:466:1-69335](https://nbn-resolving.org/urn:nbn:de:hbz:466:1-69335)

Anno  
Christi  
47.

**E**N ille ego Deus vester, ecce propellor  
confestim, & deturbor ex vita: quoni-  
am quidem virtus diuina me per colla-  
tas in me falsas arguit voces.

*Impius Herodes Tyria cum veste sederet  
Indutus, radijs sole micante nouis:  
Diuinos populi sumpsit plaudentis honores,  
Interitum adsciscens exitiumq; sibi.  
Nanq; miser fœdi correptus tormine ventris,  
Extinctus subito turpe cadauer obit.  
Hæc, vbi cum gemitu miserando dixit amicis,  
Numen erat quorum nuper in orbe sacrum,  
En Deus, en vestris modò qui sum cultus in oris,  
Extinguor miseris, numen inane, modis.  
Exerit hanc contra me vim diuina potestas,  
Ne videar posthac vester, vt antè, Deus.  
Sic fatur, gemitu misero sic vita recessit,  
,, Hostes sic Christi tristia fata manent.*

10. DICTVM TERTVLLIANI ET  
Eusebij, de Nerone Tyranno Cæsare,  
primo Christianorum persecuto-  
re & hoste. lib.2. Ecclesia.  
hist. cap. 24.

**Q**Vi Neronem scit, intelligere potest,  
non nisi grande aliquòd bonum à  
Nerone damnatum. Hunc parrici-  
dam & incestum primum ex Imperatoribus  
deciuit in Deum impietatis arma conuertere.  
Impius

*Impius, incestus, Nero, crudelisq; tyrannus,  
 Spurcior hoc Sathana nulla cloaca fuit.  
 Qui contra Christum diro tulit arma furore,  
 Quid Nero damnaret? nil nisi grande bonum.  
 Talia de seuo venerandus verba tyranno,  
 Cum sancto Eusebio, Tertullianus ait.*

II. EVSEBIUS LIB. 3. EC-  
 clesiast. hist. cap. 7.

**D**eus non est præcep̄s ad pœnam & vltionem, sed quærit populi pœnitenti-  
 am tarditate pœnæ. Quia non vult  
 Deus mortem peccatoris, sed vt conuertatur  
 ac viuat, sicut per prædicationem Apostolo-  
 rum, & præcipuè Iacobi, anno 40. Iudæos ad  
 pœnitentiam vocauit.

*Non Deus ad pœnam properat, non expetit, vltor, ,  
 Intcritum populi suppliciumq; sui. ,,  
 Sed pœnas differt patiens & tardus ad iram, Pſal. 102,  
 Vt mora peccantes ad pia facta vocet. ,,  
 Sic Iacobe vocans Solymæ ad meliora colonos, ,,  
 De Christo populum lustra per octo doces, ,,  
 Impius vt pereat, Deus inquit, nolo, sed omnis Ezech. 18,  
 Vt peccans viuat, qui respiscit homo. & 32,  
 His qui diuini non credis vocibus oris, ,,  
 In proprio moreris spontè perisq; malo. ,,*

12. Di-